

Patriarchatus Constantinopolitani. 251

LYSINIA Ptolem. vbi supra. *Diodotus* Lysinensis Episcopus subscripsit dictæ Epistolæ Synod. ad Leonem.

CORDYLVS, Stephano Pamphyliæ vrbs, *Maras* Cordylorum Antistes est in Concilio Chalcedonensi.

LAGANIA eidem Notitiæ. *Euphrasius* Laganiæ Episcopus eidem Concilio subscripsit.

PANEMOTICVS Notitiæ antiquæ Hieroclis. *Hierius* Panemotici Antistes legitur in Conc. Chalcedonensi.

GEONE Tomo primo Conciliorum forte Conane Ptolem. ibid. *Troilus* Geonensis Episc. Conc. Constantinop. 1. subscripsit.

COMMACVM Ptol. ibid. *Hesychius* huius Episcopus subscripsit. Conc. Constantinop. 1. Et *Ephesus*, epistolæ Synodali huius prouinciæ ad Leonem Imperat. vbi mendosè, vt reor, legitur Comanenus pro Commacenus, legitur tamẽ Comana in Notitia antiqua, sed mēdosè puto pro Conana.

SILVIVM Siluum Ptol. ibid. *Theodulus* Siluiensis Pamphyliæ Episcopus subscripsit eidem Concilio.

PISINDA Ptol. ibid. *Epidaurus* Pisidensis Pamphyliæ Episcopus subscripsit Conc. Ancyrano primo. An eadem cum Ilindo Notitiæ antiquæ sit, tu videris.

TALBONDA Ptol. ibid. *Polæmon* huius Episcopus subscripsit epist. Synod. ad Leonem Imper. vbi, vt opinor, mendosè legitur Tebennorum pro Talbondanorum.

VNZELA Ptol. ibid. *Theodorus* Vnzela Episcopus legitur in subscriptionibus Concilij Nicæni primi, vbi ex Pisidia dicitur, quæ contermina est Pamphyliæ, sed cum in Pamphylia sit apud Ptolemæum, nec adeo certa sit distributio subscriptionum per Prouincias in hoc Concilio, eam haud dubitantes in hac constituimus.

Subscripserunt etiam Epistolæ Synodicæ huius prouinciæ ad Leonem *Neon* Gilsatenus, & *Martinus* Pellenis, quorum vrbes non reperi apud Geographos in Pamphylia.

PISIDIA.

ANTIOCHIA Notitiæ antiquæ Græcæ, & Ptol lib. 5. cap. 4. vulgò *Uersaceli* dicitur Turcis. *Optimi* huius Episcopi meminit Socrates lib. 5. hist. Eccl. cap. 8. *Pergamius* Metropolis Antiochiæ Pisidiæ legitur in subscriptionibus Concilij Chalcedonensis, & *Theodorus* in Collat. 8. Synod. 5. generalis.

SAGALASSVS Notitiæ antiq. & Ptol. lib. 5. cap. 3. *Ionius* Sagalassensis Constantinop. 1. Conc. subscripsit, & *Fonteianus* Chalced. Ptol. in Lycia est, sed ex Notitia in Pisidia.

SOZOPOLIS Notitiæ eidem. *Longiani* Sozopolis Episcopi subscriptio est in Conc. Constant. primo, & *Politianus* Sozopolitanus in epistola Synodica ad Leonem Imperatorem.

APAMEA Cibotis Ptol. lib. 5. cap. 2. & dictæ Notitiæ. *Tarsitius* Apame-